

Мусурмнар из варитІан багъаллу ваз багахъ шула

ГИРАМИ РАМАЗАНДИН ВАЗЛИКАН ЖИКЪИДИ



Гирами Рамазандин ваз мубарак ибшри, гъюрматлу ватанагълийир!

Гъюрматлу мусурман гъардшар ва чйир! Магъа ихъ нубатнан гирами Рамазандин ваз багахъ шула. Гирами ваз улубкъайиз гъацІ вазра ккимдар. Гъаддиз ихъ газат урхрудар му гирами вазлихъна лайикъ вуйиси гъязур хъпан бадали, му ваз фици адапІну ккундуш, кІваин апІурхъа.

Ухъуз агъюганси, Рамазандин вазлиъ ушвар дисувал Къудратлу Аллагъди ﷻ гъарсар мусурман касдин улихъ дивнайи вазифйиркан саб ву. Саб жорей-

инра сеbeb адарди, гирами вазлиъ ушвар дидрису мусурмнар из, чпи ХалкъгъапІурихъ хълебехъбаз лигну, ижмишнаан жаза тувди, эгер Дугъу дурариз гъадму гунгъарин агъфв дарапІиш. Хъа Рамазандин вазлиъ ушвар дисували неинки жаза тувбахъан азад апІиди, ва гъазира Аллагъдин ﷻ терефнаан ужуб багъиш хъибди. Гъаддихъди сабси, гъадму багъишнан къимат ушв дибиснайирин агъкюллу гъаркатарикан, дугъу неинки чаин али фарз тамам апІбакан ва гъазира ушв бисбан суннатар хъаббаъ

чалишмиш шулайиваликанра асиллу шулу. Мугъяммад Пайгъамбарин ﷺ гъаддиз асас вуди, ужудар ляхнар кІулиз адагъбаз лигну, Къудратлу Аллагъди ﷻ Чан лукІраз йицІуб ражну ва гъеле 700 ражну артухъдира кади ужувлар тувди. «Ушвар Узу бадали дисрудар ву, - гъапну Къудратлу Аллагъди ﷻ, - ва Узу, гъаддиз лигну, багъиш тувдиза». Яни ушв бисбаз вуйи багъиш гизаф ражари артухъ шулу, ва гъаддин гъакъ-гъисаб анжагъ сар Къудратлу АллагъдизІган ﷻ агъгъдар.

» 3

Нумрайиъ:



Гъиямат йигъ багахъ дубхъна...



Рамазандин ваз – суалар ва жавабар



Дагестанский гуманитарный институт

Агъювал удукърувал ву, агъдрувал даршлувал ву

ГЪЕПІЛ ГЪУЛАН АДЛУ АЪЛИМ ЗЕЙНУДДИН ИБН МУГЪЯММАДДИН УЪМРИКАН ЖИКЪИДИ

Ухъуз мялум вуйиганси, гъарсар агълим чан заманайиъ чирагъ, халкъдиз акв туврур, Ахиратдихъна гъягъру ачухъ ва яркъу рякъ улупрур ву. Агълимари халкъдиз Жегъеннемдин цІихъан жвув азад апІуз шлу сеbebар улупура. Пайгъамбарин ﷺ гъаддизди дупнайиганси, агълимар пайгъамбарин ирс-агълар ву. Дугъриданна Аллагъу Тааблайихъна гучІ хъайи, чаин али вазифйир лайикълуди тамам апІру агълим Аллагъу Тааблайин улихъ заан дережайиъ шул.

Ужуб илим ва гъаддихъди чахъан удукъруси агъмалра апІру агълимарикан гъахъну ГъепІл гъулан агъали Зейнуддин ибн Мугъяммад (1908-2010 й.). Зейнуддин ибн Мугъяммад 1908-пи йисан Табасаран райондин Харали мягъялин ГъепІл гъулаъ рукъан уста ва нежбер Мугъяммаддин хизандиъ бабкан гъахъну. Рукъан уставал лап гъагъи ляхнаркан ву. Думу касди агъхю абайи ва адаши апІру рукъан уставализ лигури, дурарихъан дубгъури, чавра думу пише гъудубгъну. Дугъан адаш Мугъяммаддиз илимдин агъгъювалин къимат ва гъадабгъру берекетнан

даража мялум хъпаз лигну, дугъу чан балин уъмур илимиз бахш апІуру. Чан адаши ва чпин гъулан имам Абдурягъман ибн Мягъмат ибн Абдуллагъди улупу сабпи гъарфарин къяляхъ, Зейнудин 1916-пи йисан Тивак гъулаз Гъяжи Абдуллагъ ибн Къадир ибн Абдуллагъдихъна илим дубгъуз гъагъру. Дугъу душваъ хъуд йисандин арайиъ агъгъювалар гъадагъуру. Дидин къяляхъ думу илим гъадабгъуз Паттил гъулан медресейиз гъягъюру. Дугъахъди гъадму вахтари чпин гъула баярра Абдурягъманов Межид, Пейбов Шябан ва гъ.ж. урхури шулу.

» 5

Вариурусиятдин жигъил алимарин ва гъяфизарин талит



Хасавюрт шагъриъ 13-пи вариурусиятдин жигъил алимарин ва гъяфизарин талит кӀули гъубшну. Думу талит Саидбек Даитовдин ччвурнахъ хъайи институтдиъ гъубшну.

Хасавюрт шагъриъ вари Кафари Кавказдиан ва гъазира Москва, Казань шагърариан талитнаъ иштирак хъуз жигъил алимар уч гъахъну. Гъар йисан му талитнан финализ Дагъустандиан ва Чечняиан адлу алимар иштирак шулу. Му серенжемдиъ Дагъустандин муфтийин сабпи заместитель Абгъяммад-гъяжи Кахаевра иштирак гъахъну. Дугъу муфтийин терефнаан вари иштиракчйириъ хъуркьувалар ккун гъапӀну ва дуфнайи хялариз ахъю чухсагъул гъапӀну.

Хъасин Чечен республикаийн главайин диндин ва жямаяблугъдин организайирин департаментдин директор Ризван Дадаевдиъ гаф тувну. Дугъу му кьубеб республикаийрин тарихдикан ва дурарин арайиъ фицдар чевалин алакьийр ади гъахънуш ктибтну. Диндин алимар-имамарихъди му се-

ренжемдиъ гъазира РД-ийн диндин организайирихъди алакьа гъабхурайи Комитетдин председател Сулейман Мягъяммадов ва Хасавюрт шагърин глава Сайгидпаша Умахановра иштирак гъахъну.

Алимарин, политикарин ва дуфнайи хяларин улхбарин кьяляхъ му талитнаъ гъалиб гъахъидариз пешкешар тувну хъюгъну. Дупну ккундуки, мушваъ 200-дихъна жигъил алимар иштирак гъахъну. Ва кьюд йигъандин арайиъ жюриийи мурарин арайиан варитӀанна заан аьгъювалар айидар гъядягъюри гъахъну. «Гъудган» апӀбан номинацияийи Губден гъулан агъали Мугъяммадгъянапи Рашидов гъалиб гъахъну, дугъаз пешкеш вуди 1500 агъзур доллар тувну. «Гъифз» номинацияийи Мугъяммад Аьлигъяжиев гъалиб гъахъну, пешкеш вуди дугъаз автомобиль «Лада Гранта» тувну. «Фикъгъ» номинацияийи Москваийи айи диндин университетдин студент Аьбула Темирбулатов гъалиб гъахъну, дугъаз пешкеш вуди автомобиль «Фольксваген Поло».

«Учуз Пайгъамбар ккундучуз» кӀуру вари республикаийн талит

23-пи майди вари республикаийн «Учуз Пайгъамбар ккундучуз» кӀуру талит чан аьхириз гъафну. Думу финал Дагъустандин гуманитарный институтдиъ кӀули гъубшну. Дупну ккундуки, му талит ккебгъуз себеб гъахъидар гъаму институт, РД-ийн Муфтият ва РД-ийн диндин организайирихъди алакьа уьбхюрайи Комитет вуйи.

Вари талит Пайгъамбарин уьмрикан ктибтурайиб вуйи.

Душваъ районариан, шагърариан саб командайиъ шубур кас ади иштирак хъуз шуи. Ва гъазира диндин шартгарикан саб иштиракчйир диндин заан образование адрудар ва диндин институтар, университетариъ урхури адрудар хъуб вуйи.

Сабан талит гъуларий гъубшну, хъа районариъ ва душваъ гъалиб гъахъидар четвуртфиналийи иштирак гъахъну. Четвуртфиналийи гъахъна кӀуруш 48 команда иштирак гъахъну. Диндин натийжайи полуфинализ 12 команда удучӀвну: Кайтаг, Хунзах, ЦунтӀи, Хасавюрт, Карабудахкент, Ахвах, Шамиль, Курах районариан, хъа шагърарсана кӀуруш Махачкала, Каспийск, Кизилюрт.

Му командйиригъян финализ шубуб команда удучӀвну: Махачкала, Хасавюрт район ва Карабудахкент район.

Финалин жюриийи Дагъустандин адлу



алимар айи: Эсенбулат Ягъ'яев – Оргкомитетдин председател, аькьидар дарсарин мялим, Мугъяммад-Гъянафи Гъямзатов – Мягъячгъала шагърин «Сафар» мистан имам, Уьмарасгъяб Умалатов – Хасавюрт шагърин алимарин Советдин Председател, Казим-гъяжи Темирбулатов – Казбековский райондин имам ва Мугъяммадрасул-гъяжи Саадиев – Мягъячгъала шагърин имам. Дупну ккундуки, вари командйир му финализ лап ужуди гъазур духънайи.

Натийжа гъамциб гъабхъну: 1-пи йишв Мягъячгъала шагъри гъибисну, 2-пи йишв Хасавюрт районди ва шубубпи йишвсана Карабудахкент районди. Му талитнан пешкеш 600 000 вуйи. Сабпи йишв гъибисдариз 300 агъзур, кьубпи йишв - 200 агъзур ва шубубпи йишв - 100 агъзур.

Му талит вари уч духънайидарин сатлиди гъапӀлу дюаьийинди ккудубкӀну.

ДГИ-ийн пресс-служба

ХАБРАР

Дагъустандин муфтий Москвайиъ айи диндин колледжидиз гъушну



Дагъустандин муфтий, шейх Абгъяммад-гъяжи Аьбуллаев Москва шагъриъ айи диндин колледжидиз гъушну ва душваъ Москва шагърин мусурмнарин Духовный управлениеийн председател Ильдар хазрат Аляутдиновдихъди гюрюшмиш гъахъну.

Шейх Абгъяммад-гъяжийи му колледжидиз гъабхурайи ляхниъ заан кьимат тувну ва мицдар ляхнари ихъ арайиъ алакьийр хъанара ижми апӀуз себеб шула гъапӀну. Дагъустандин мусурмнарин улихъ хъайири гъазира дарсар туввал чан варитӀанна ккуни ляхин вуйиз гъапӀну ва чавра 1977-пи йисланмина диндин дарсар туврайибдикан хабар тувну. Ильдар хазратди Абгъяммад-гъяжи душваъ лихурайи коллективдихъди таниш гъапӀну. Дагъустандин муфтийи душваъ урхурайи мялимариз, тьялимариз хъуркьувалар ккун гъапӀну.

Р. Гайнутдин Дагъустандин муфтийихъди гюрюшмиш гъахъну

Май вазли, СМР-рин главайин резеденцияийи РФ-ийн ДУМ-дин председател Равиль Гайнутдин Дагъустандин муфтий шейх Абгъяммад-гъяжи Аьбуллаевдихъди гюрюшмиш гъахъну.

Душваъ гъазира Дагъустандин диндин университетдин ректор Мугъяммад-гъяжи Аьбуллаев, СМР-рин ва ДУМ-дин председателин сарпи кюмекчи Рушан хазрат Абъясков, СМР-рин председателин советник Хизбулла хазрат Асуев иштирак гъахъну.

Кьуби муфтийири гъийин йигъан дюн'яйи шулайи диндихъди алакьалу ляхнарикан гъулхну.

Муфтий Равиль Гайнутдинди Дагъустандин муфтийиз Пайгъамбарин чӀар Москвайиз дубхну «Мавлид анНаби» кӀулиз адабгъуз кюмек хъпан ахъю чухсагъул кьайд гъапӀну. Дугъу гъазира Москва шагъриъ тазади тикмиш апӀурайи мистан ляхнар фици кӀулиз адагъураш хабар тувну.

Абгъяммад-гъяжийи мистари мусурмнарин



арайиъ фициб йишв бисураш ктибтну ва му вари ляхнар Аллагъу Тааьлайин амриинди кӀулиз адагъуз шул кӀури умуд кивну.

Дагъустанди муфтийи гъазира дагъустанлуийири тикмиш апӀурайи ахъю варидагъустанлуийирин мисткан ктибтну. «Дициб мумкинвал тувбаз, Аллагъу Тааьлайиз гъямд апӀураза. Думу дугъриданна дагъустанлуийириъ ахъю вуйи пешкеш ву», - гъапӀну Дагъустандин муфтийи.

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ</p>	<p>Заместитель муфтия РД Махди-хаджи МУТАИЛОВ</p> <p>Главный редактор Азиз МИЧИГИШЕВ</p> <p>Редактор Ансар РАМАЗАНОВ</p> <p>Канонический редактор Мухаммад-Рамазан РАДЖАБОВ</p> <p>Корректор</p>	<p>Шарафудин ДАШДЕМИРОВ</p> <p>Дизайн, вёрстка Мухаммад МУСАЕВ Иса ОМАРОВ</p> <p>Менеджер Мухаммад ХИРЯСУЛАЕВ Абдулсабир АХМЕДОВ</p> <p>При перепечатке ссылка обязательна. Набрано и сверстано на компьютерной базе газеты «Ас-Салам».</p>	<p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p> <p>Отпечатано в ООО «Дом печати» по адресу: пр-т Акушинского, 20. Заказ № _____</p> <p>Тираж 2.100 экз.</p>	<p>Сдано в печать 30 мая 2015 г. в 18:00</p> <p>Адрес редакции 367015, РД, г. Махачкала, ул. Аскерханова 13а.</p> <p>Телефоны: Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.</p> <p>E-mail: info@assalam.ru; www.assalam.ru</p>
--	---	---	---	--

Мусурмнар из варитан багъаллу ваз багахъ шула

1 « Вари къайдйир из асас духъну, ушв бисувалиан мусурман кас чан бедендиз уч духънайи чиркин шей'арихъан марци шулу ва тIагърувалихъан, гъайгъусузвалихъан азад апуру. Ушв бисували гашди айи касдин гъавриъ ахъуз мумкинвал тувру, Къудратлу Аллагъди ﷻ Чан луклариз туврайи камаллувализ кымат тувуз ва фикир учIруди апуз кюмек тувру.

Ушв бисувал гъамцдар ксариз улупнайиб ву:

1. фуж мусурман кас вуш;
2. фуж ушвар дисру яш дубхънайир вуш;
3. фуж ушв бисуз сагъвал хъайир вуш.

Ушв бисбан фарзар

Ушв бисбан фарзар гъамрар ву:
1. **Ният.** Жвуван фикриинди Къудратлу Аллагъ ﷻ бадали фарз вуйи ушв бисуз ният дапIну ккунду, гъаддихъди сабси ният мелзнийирида пуб суннат ву. Магъа ният апибан тахминан къайда:

«Узу ният гъапIза гъаму йисандин гъаму Рамазандин вазлин закурин йигъан уз'ина фарз вуйи ушв бисуз Аллагъ ﷻ бадали». Яни ушв бисбан ниятнаъ чарасуз вуди фуну йисан, фуну вазлин, фуну йигъан ушв бисураш ва ушв бисувал фарз вуйиб фикриъ ади вая мелзнахъди дупну ккунду.

Имам Шафийийн мазгъабдинди ният гъар йигъан дапIну ккунду. Закурин йигъаз вуйи ният ригъ алабхъалан къяляхъ вуйи вахтналан хъюгъну, ахсрар ккивайизкъан вуйи вахтназкъан апуз шулу. Имам Абу Гъанифайн мазгъабдинди, ният лисундин вахтназкъан апуз шулу, эгер гъачIтанмина ушв чIур апиру (чIюбгъру) шартIар арайиз гъафундарш. Ари гъаддиз, эгер шликIа ригъ алабхъалан къяляхъ ккебгъну, гъачIниндин ахсрар улуркъайизкъан вуйи вахтна ният гъапIундарш, лисузкъан ният апуз шулу, анжагъ «закур» кIуру гъан ерина «гъи» дупну ккунду ва чарасуз вуди «имам Абу Гъанифайн мазгъабдинди» кIуру гъафар алава апиуб лазим ву. Имам Маликдин мазгъабдинди ният вазлин эввелигъ вари вазлиз апуз шулу. Амма имам Шафийийн мазгъабдин асас вуди тасдикъ дапIнайи къайдийинди ният апуз чалишмиш духъну ккуниваликан гъархну ккундар.

2. Дибиснайи ушв ккутIру гъаракатар. Дурар гъамрар ву:

- 1) Ипиуб - убхъуб.
- 2) Эдерчуб.
- 3) Жилижви дишагълийихъди сатIи хъуб.
- 4) Дишагъли палтарикан хъуб.
- 5) Бицир бабкан хъуб.
- 6) Ахмакъ хъуб (саб дакъикъайий вушра).
- 7) Амриан гъягъуб.
- 8) Убхъувалиан ярхи йигъан кефлу хъуб.
- 9) Диндиз инкар хъуб ва гъж.

Ушв бисбан къайдйир

Ушв бисувал, мусурмандин улихъ дийибгънайи фарз вуйиганси, Къудратлу Аллагъдихъан ﷻ ахъю багъиш гъадабгъбан бадалира кIулиз адабгъну ккуниб ву. Фарзан чарасуз шартIар кIулиз адагъубIтан гъайри, ушв бисбан суннатарра хъаъну ккунду, яни ушв дибиснайи вахтна, мусурман кас фици духъну ккундуш, гъадмура тамам апиуб лазим ву.

1. Мугъаммад Пайгъамбарин ﷺ гъя-

дисариз асас вуди, лавландин гъудган улубкъбалам къяляхъ дишлади ушв гъибтиш ужу ву. Ушв хурма ипибиинди, марци штухъди, ясана фицибкIа мелишнахъди гъибтиш ужу ву.

2. Ушв гъибтуз хъюгърутан, Аллагъдин ﷻ ччвур кIваин дапIну ккунду, яни гъамцдар гъафариинди: «**Бисмиллагъи ррягъмани ррягъгим!**» ва ушв къабул апибан дюаъ урхиинди:

اللَّهُمَّ لَكَ صُمْتُ وَبِكَ
أَمَنْتُ وَعَلَيْكَ تَوَكَّلْتُ
وَعَلَى رِزْقِكَ أَفْطَرْتُ
فَاغْفِرْ لِي يَا غَفَّارُ مَا قَدَّمْتُ
وَمَا آخَرْتُ

«Аллагъумма лака сумту ва бика аманту ва алайка таввакלטу ва ала ризкъика афтIарту, фагъфирли я Гъаффару ма къаддмату ва ма аххарту». Гъаму дюаъийн мяна гъамциб ву: «Я Аллагъ, гъаму ушв Увуз гъибисуб вуйиз ва Увухъ хъугъназа ва анжагъ Уз'ина таваккалвал апураза ва Яв ризкънахъди ушв гъибтраза, я Гъаффар, йиз ккудушу ва гъюзимбу гунгъарин афв апиана!».

3. Ушв бисру вахт улубкъайиз, яни ахсрар ккивайиз улихъна уъл ипиуб ужу ву, ва уъл ипиувал гъачIниндин гъудган апиру вахт ккебгъайиз 15-20 минут улихъна дебккуб ужу ву. Я гъачIнинган, ясана хъабхъган къадар дарубIтан артухъди ипиувал ужуб ляхин дар, мидан бедендиз ва ибадат апуз гъагъиди алабхъуру, артухъди ипиувал сагъламваллизра зарар ву.

4. Хъабхъган ушвар дидиснайидариз уъл гъивувал савабнан ляхин ву. Гъаддиз асас вуди, шли хъабхъган ушв дибиснайириз уъл гъивнуш, дугъаз ушв гъибисуризиб саваб хъибди. Рамазандин вазлигъ игъияж айи ксариз, асас вуди чан хизандин вакилариз, мирас-варисариз ва вари багахълуйиризра жумартвал улупуриз савабар хъиди.

5. Ушв дибиснайи вахтна гъарам дапIнайидарихъан ва чIуру ляхнарихъан жвуван беден уьхъуб лазим ву, Къудратлу Аллагъдин ﷻ тIалабар тамам апури, жвув Дугъан гъуллугънаъ духъну ккунду.

Ушвар дисувал – Аллагъу Тааълайин амур ву

Ухъуз, мусурман ксариз, Рамазандин вазлигъ ушвар дисувал улупна. Фуж кетIерцнаш ва ушв бисували дугъан уьзриз зарар тувраш, фуж ярхла рякъюъ аш, дугъаз ушв дибрисуз ихтияр а. Дугъу чав гъадмуган ккадау ушвар жара вахтна дисну ккунду. Хъа ушв бисували зарар тувраш (мисал вуди гъадабгъиш, къабивалиан, сагъ апуз даршлу уьзриан), гъацир касдихъан ушв дибрисуз шулу. Амма гъаддин ерина касиб касариз ипиуб тувну ккунду.



Ушв хурма ипибиинди, марци штухъди, ясана фицибкIа мелишнахъди гъибтиш ужу ву

Хъа, Рамазандин вазлиси, жара вахтна-ра чан хушнинди ушвар дисру кас гъашиш, дугъаз чаз ужу ву.

Ушв бисувал фу ву?

Шариабтдинди ушв бисувал, гъачIнин ахсрар ккивхъанмина тап мучIушин улубкъайизкъан ушв батIил апирубдихъан жвув уьрхювал ву, чан хусуси ниятра ади. Рамазандин вазли чарасуз ушв бисувал Мугъаммад Пайгъамбарин ﷺ уммайиз гъижрайин кюдпи йисан фарз вуди улупну.

Ушв бисбан ниятканан

Гъарсаб йишван ушв бисайиз улихъна ният дапIну ккунду. Йишвандин сифте кIулигъ ният апиувалра чIааън шулу. Саб жерге алимари йишвандин сабпи пайнаъ ушв бисуз ният апувал чIааън дар, кIури, тасдикъ апура, гъаддиз йишвандин къюбпи пайнаъра ният дапIну ккунду, кIура. Дурари гъаци вуйивал йишвандин къюбпи пай ушв бисбахъна багахъ вуйиб ву, кIури, гъаврикк ккаъра. Эгер ният апиалан къяляхъ нивкI алабхънуш, цийикIултан ният апиуб чарасуз дар. Куфригъ хъували ният чIур апиру. Хъа эгер гъацир касди ахсрар ккивайиз чан швумалвал улупиш, кIваантIан шагъадат дупну, дугъу ният цийи алапиуб лазим ву.

1. Имам Шафийийн мазгъабдинди, эгер ахсрар ккивбалан къяляхъ ният гъапIнуш, ушв бисувал гъисабназ гъадабгъурдар.

Гъядисдигъ дупна: «Йишвну, ясана ахсрар ккивайиз улихъна ният дарапиш, ушв бисувал къабул апидар».

2. Ахсрар ккивнуш - ккивундарш кIвахънивал улупури ният гъапу касдин ушв къабул апиурдар, фицики дугъан ниятнаъ кIвахънивал а. 3. Эгер думу чан ният апиалан къяляхъ, ша-клу гъахънуш, ахсрар ккивнайкан, ясана ккивнадайкан кIури, думуган дугъан ушв гъисабназ гъадабгъуру, фицики дугъан ниятнаъ кIвахънивал адайи, хъа ахсрар ккивувал а.

4. Эгер ахсрар ккивбалан къяляхъ инсанди чан ният ахсрар ккивайиз

улихъна гъапIнийкан-гъапIундайкан кIури кIвахънивал улупуруш, дугъан ушв гъисабназ гъадабгъурдар, гъаз гъапиш кIвахънивалин бина вахтнинди ният дарапиувал ву.

5. Эгер гъадму касди чав йишвну, яни ахсрар улукъайиз улихъна гъапу ният кIваин гъабхъиш, думуган ушв бисувал капIуру.

Ният кIваантIан апиру. Мелзнийинди ният апиуб фарз дар, думу суннат ву. КIваанра, мелзнийиндира ният апиували кIваъ ният мягъкам хъуз кюмек тувру.

Ушв дибиснайириз гъюрмат апиуваликан

Рамазандин ваз гирами ву, кIурахъа варидари, амма саспи ихъ мусурман гъардшар гъадму вазлигъ хилигъ папрус, семечкийр ади рякъюру. Рамазандин вазлигъ гъамцдар ляхнар апиували ихъ Ислам диндихъна гъюрмат адрувал, аькъюл хъадрувал улупура.

«Нузгъатуль Мажалис» китабдиан саб месэла хибдихъа: душваъ, сар ушв дибисну адрури дибиснайидариз гъюрмат гъапиш, фициб мянфяаът шулуш, улупура.

Сар хачариз ибадат апирур мусурмнар ихъди ишаммиш шулади гъахъну. Саб ражари Рамазандин вазли дугъаз чан бали гъягъидигъ уъл ипиуради гъаркъну. Дугъу дих дапIну, мусурмнар ушв дибиснайи вахтна дурарихъна эдеб гъапIундарва, кIури чан бализ хулаъ аъзаб туву.

Циб вахтналан, гъадму кас кечмиш хъпан къяляхъ, сар ужур алим касдиз думу нивкIукди Женнетдигъ ади рякъюру. Алимди дугъхъан гъерху: «Уву мусурманвал къабул гъапIундарва, уву Женнетдигъ фици ава?». Думу касди гъапи: «Узу кечмиш хъуз багахъ гъахъиган, Аллагъди ﷻ узуз шагъадат хуз амур гъапIну. Гъадму шагъадат гъабхиган, узу мусурман касси Аллагъдихъна ﷻ гъушунза».

Гъюрматлу ватанагълийир, гъаму гъадисайиан ухъу гъаври духъну ккундуки, ухъу ушв гъибисундаршра, жара ушв дибиснайи ксариз улихъ уъл ипиувалихъан ярхла духъну ккунду.

АЪГЪЮВАЛ УДУКЪРУВАЛ ВУ, АЪГЪДРУВАЛ ДАРШЛУВАЛ ВУ

1 « 1910-1930-пи йисари Паттил гюлаъ имамвал апури ва медресейиъ талимариз дарсар туври Уртгил гюл'ан вуйи алим Ханмугьямад-эфенди ади гъахъну. Ва дугъахъди медресейиъ дарсар туври Думурхъиль гюл'ан вуйи алим Рамазан-эфенди ибн Гюсейхан гъахъну. Ханмугьямад-эфендийиз Зейнудин имбу талимаригъ варитан гизаф къабул гъахънийи, дугъан зиреквал, илимдихъ ва апури ляхнарихъ юк'ив хъайивал лап заандар вуйи. Душваъ дурари Шариатдин къанунар: **Мухтасар, Абу Шужяъ, Мингъаж, Фатгюл-муин, Шаргюль Магъялли, Ибн Гъажар, Усулүль Фикъгъ** ва гъацира **Гъядисар** ва **Тафсируль Къур'ан** аъгю апури. Сар алимдихъ гъадабгъруб саб илим

шул, къюрихъ гъадабгъруб - къюб илим, гъаци вуйиган Паттиль медресе давам хъпан къяляхъ Зейнудинди чан аъгювалар Табасарандин жара ахю ва машгъур алимарихъ яркъу апури: Зияуддин Юсуф-гъажки ал-Курихи, Нуряли-эфенди ал-Халагъи, Малла Шябан-эфенди ал-Хянягъи, Наврузбег Эфенди ал-Халагъи - мурар вари Зейнудин халуийн мялимар ва берекетлу устазар вуди гъахъну. Чпин гюлан имам Абдуриягъман ибн Мягъмат ибн Абдуллаи 1936-пи йис'ан 1946-пи йисазкъан дурарин гюлаъ имамвал гъап'ну, хъа думу Аллагъу Тааълайин рягъматдиз гъушган, 2010 пи йисазкъан имамвал Зейнудин ибн Мугъяммадди апури. Шариатдин ва гюландарин гъахру ляхнар-

карарин дугъан ахю кюмекчийирра вуди гъахъну чахъди урхури гъахъи юлдшар Межид ва Шябан. Ахиримжи чан уъмрин вахтна Зейнудин ибн Мугъяммад Паттиль, Ягъдигъ, Лижва, Рушв'ил, Арак ва жара гюларин имам вуди гъахъну.

Алим касди, чав му дюн'айилян гъагъийиз, диндин ляхин гъабхру талимар гъитру. Алим Зейнудиндира чан къяляхъ ужуб бегъер гъибтну. Магъа дугъан талимар: Тивак гюл'ан вуйи талимар: Нажмудин, Абдулла, Хизри, Рамазан, Абдулла - Хючна гюл'ан, Пъажиамир - Хюрикк гюл'ан, Абдуллаев Абдуриягъман ва Аълиев Абдулла чпин гюлан гъаму вахтна имамвал апурайир, ва гъацира дугъан талимар гъахъну Паттиль, Арак, Ерси, Зиль ва жара гюлариан вуйидар.

Гъепил гюлан имам Аълиев Абдуллагъдин гафариинди, Зейнудин ибн Мугъяммад фук'ара дарап'ди саб дакъикъара адапури гъахъндар. Даима суннат гъудгнар апури, Къур'ан урхури, зикрар урхури гъахъну. Имамвал апури гъахъи вахтна, дугъу чпин мягъялиъ Шариатдин къанунар ижмиди урхюри гъахъну.

1970-пи йисан дугъаз чан устаз Сувакк мягъялин алим Ханмугъяммад эфенди кечмиш гъахъну к'ури хабар шулу. Дугъу чан юлдшариз к'уру, ухъу душну ккунду думу алим Ахиратдин ряк'ин апуз. Учву улар ульч'юкъай гъапну чахъди хъайи юлдшариз, фу лигурва,



саб бици вахтан арайин улар арцубси, дурар Уртгил гюлаъ шулу.

Зейнудин ибн Мугъяммадди диндин хъубпи мухъул - гъажра тамам гъап'ну. Гъаму вахтна чпин гюлан жигъил имам Аълиев Абдуллагъди алим Зейнудин ибн Мугъяммаддихъан ахю берекет гъадабгъну. Бици бай вахтари Абдуллагъ мистаз имамдихъна гъагъюри ва илимдин аъгювалар гъадабгъури гъахъну. Думу касди чав алим Зейнудиндихъ гъадагъу илимар яркъу апури, гъамусра Огни шагъриъ диндин заан аъгювалар гъадагъура. Дугъаз ккунду гъадму чан мялимдиси заан илимдин аъгювалар гъадагъуз. Гъит Аллагъу Тааъла дугъаз му ужувлан ляхниъ кюмек ишри. Аллагъу Тааълайи ухъу алимарихъ, дурарихъан гъадабгъру берекетнахъ, Пайгъамбарин ﷺ везирарихъ, гъакъ устаз-шейхарихъ мягърум дарап'ри! Амин!

Мялумат тувдар: Абдуллаев Абдуриягъман Михметович - улихъна имамвал апури гъахъир, Аълиев Абдуллагъ Гъепил гюлан имам.

Гъибик'ур Уртгларин Ханмугъяммаддин бай Абдул Мут'алиб-гъажки Гъязрати Аълиев ву



Табасаран райондин Гъепил гюл

МУСУРМНАРИЗ ВАРИТАН БАГЪАЛЛУ ВАЗ БАГАХЪ ШУЛА

3 « Таравигъгъудган апуб ахю савабнан ляхин ву!

Таравигъ Рамазандин вазли хъит'ирхбандин гъудгнин къяляхъ апури суннат-гъудган ву. Думу гъудган апуз Рамазандин сабпи йигъхъанмина хъюгъру ва ахиримжи ушв гъибису йигъан ккудук'уру.

Думу гъудган мистаъ апуб ужу ву, хъа эгер мистаз гъагъюз шулдарш, хулаъра апуз шулу.

Таравигъ-гъудган 8 ракаат ву - 4 суннат гъудгнар, гъарса-саб 2 ракаатдин. Амма 20 ракаат апури гъахъиш, ужу ву. Ихъ Пайгъамбари ﷺ сабпи ражну 20 ракаат (10 суннат, гъарсаб 2 ракаатдин) апури гъахъну, хъасин, ухъуз п'чу апбан бадали, 8 ракаат апуз хъюгъну. Таравигъ-гъудган ккудук'иган, гъацира жямъатдихъди витру-гъудгнар апури, дурар текди апури (3-дилан 11-диана) сабпи ражари къю-къюб ракаат апури, хъа ккудук'руган - саб. Хъа ухъухъ къюб витру-гъудган апури: сабпиб - къюб ракаатдинуб, къюбпиб - саб ракаатдинуб.

Таравигъ гъудган апбан къайда

Таравигъяр 4, ясана 10 гъудгникан, гъарсаб къю-къюб ракааттарикан ва душваъ урхру дъюйирикан ибарат ву (дъюйир исихъ улупна).

Хъит'ирхбандин гъудган ва гъудгнихъ хъайи суннатар апбан къяляхъ исихъ улупнайи сабпи дюаъ урхуру. Гъаму дюаъ урхуру сабпи, шубубпи таравигъ-гъудгнар апбан къяляхъра ва гъацира сабпи 2 ракаатдин витру-гъудган апбан къяляхъра.

Къюбпи ва юкъубпи таравигъ-гъудгнар апбан къяляхъ шубуб ражари къюбпи дюаъ урхуру, хъасин гъадму дюаъийн къяляхъ саб ражари сабпи дюаъра урхуру.

Витру-гъудгнар ккудук'иган, шубубпи дюаъ урхуру.

Гъаму дъюйир вари гъудган апурайидари ягъал сесниинди сат'иди урхуру.

Таравигъ гъудган апурган урхру дъюйир:

1. «Ла гъявла ва ла къуввата илла биллагъ. Аллагъумма салли аъла Мугъяммадин ва аъла али Мугъяммадин ва саллим. Аллагъума инна нас'алюкаль жанната ва наъузубика мина-н-нар».

2. «Субгъяна лагъи валь гъямду лиллагъи ва ла илагъа илла лагъу ва лагъу акбар. Субгъяналлагъи аъдада халкъигъи ва риза'а нафсигъи ва зината аършигъи ва мидада калиматигъ».

3. «Субгъяналь маликиль къуддус



(къюб ражари). Субгъяна лагъиль маликиль къуддус, суббугъюн къуддус, рабуль малаикати ва ррюгъ. Субгъяна ман тааъззаза билль къудрати валь бакъаъ, ва къагъараль ибада билль мавти валь фанаъ. Субгъяна раббика раббиль иззати аъмма ясифун ва саламун аълаль мурса-

лина валь гъямду лиллагъи раббиль аъламин».

Гъит Алагъди ﷻ гъаму ваз Чав амур апурайи ва Мугъяммад Пайгъамбари ﷺ улупнайи саягъниинди к'улиз адабгъуз ухъуз кюмек туври! Амин!

Рамазандин ваз — суалар ва жавабар

РАМАЗАНДИН ВАЗЛИКАН ИХЪ МУСУРМНАРИ ТУВРИ ШЛУ БЪЗИ СУАЛАРИЗ ЖАВАБАР

Магъа вари мусурман кки-лигурайи гирами ваз яваш-явашди багахъ шула. Гъарсар мусурман кас му вазли шлубкъан артухъ ужувлар апIуз чалишмиш шулу. Дупну ккундуки, му гирами вазли ушвар дисбан гъакънаан ихъ саспи мусурман гъардшар-чйирин суалар арайиз гъюру. Гъаци вуйиган ухъу ихъ гъардшар-чйириз жикъиди ушварин гъакънаан вуйи бязи суалариз жавабар тувдихъа.

1. Фарз ушв бисруган, жюрбежюр мазгъабарибъ фици ният апIуру?

Ният думу саб фу-вуш апIуз кIури, ижмиди бисурайи къаст ву. Ихъ ужувлан ляхин къабул апIбан бадали, кIваъ ният ади хъувал чIааън шулу, амма мелзнийндира пуб ужу ву. Хъа саб ниятра адарди уву гафар гъапну кIури, думу ниятди гъисаб апIурдар. Ният апIувалин гъакънаан Пайгъамбарин ﷺ гъядисдиъ дупна: «Амалар, ляхнар ниятланан асилу ву...». («Сагъигъ аль-Бухари», № 1; «Сагъигъ Муслим», № 1907). Рамазандин вазли ушв бисуз кIури ният апIруган, тамам дапIну ккунду:

1. ГъачIининдин гъудгнин вахт хъайиз ушв бисуз ният айири чан ният дапIну ккунду. Эгер ният гъачIининдин гъудгнин къяляхъ гъапIиш, думу касдин ушв кам шулдар. Пайгъамбарин ﷺ гъядисдиъ дупна: «ГъачIининдин гъудгнин вахт хъайиз ушв бисуз ният дарапIу касдин ушв кам шулдар» («Сунан ад-Дарукутни», 2/172; «аль-Байхаки» 4/202).

2. Жуву фуну ушв бисураш тийин апIуб: Рамазандин вазлин ушв, даршсана чан ккудубшу къаза ушв. Эгер тийин дарапIди ушв бисуз ният гъапIиш, ният кам шулдар.

3. Гъар йишван хъайигъаз ушв бисуз ният дапIну ккунду. Ушв камил хъпан бадали, хъа йигъ-

ан гъачIининдин гъудгнин вахт хъайиз ният, дапIну ккунду. Саб ражари гъапIу ният ихъ мазгъабдинди вари вазлиз чIааън шулдар, фицики гъарсаб ушв гъеле гъар йигъан текрар шулашра, думу гъар йигъандин ибадат ву. Хъа ухъуз гъядисариан аьгъюганси, гъарсаб ибадатдиз чан ният лазим ву.

Рамазандин вазли ушв бисруган апIру ният: «Узу ният гъапIза гъаму Рамазандин вазлин закурин йигъан фарз ушв бисуз Аллагъ ﷻ бадали». Имам Абу Гъянифайин мазгъабдинди Рамазандин вазлин ният лисундин гъудгнин вахт хъайиз саб сьаьт ккимиди хъайизкъан апIуз хай шулу. Саспи алимари ният апIуз кIваълан гъарху касдиз имам Абу Гъянифайин мазгъабдихъди гъягъюри ният апIуз ихтияр тувра. Хъа имам Маликдин мазгъабдинди сабпи йигъан вари Рамазандин вазли ният апIуз шулу.

2. Шариабтдинди фицдар дюшюшариъ ушв дибрисди гъибтуз шулу?

Шариабтдинди ушв дибрисди гъибтуз мумкинвал айи дюшюшар 2 ву:

1. Дишагъли палтарикан духънайи вахт ва велед хъпан къяляхъ вуйи чиркишнарин вахт.
2. Амриан гъягъюб, ясана вари йигъандин арайиъ фикриан гъягъюб. Эгер амриан душнайир йигъандин вахтна саб гъелдикъан фикриз гъафиш, гъадму вахтнахъанмина дугъу ушв дибрисну ккунду.

3. Ушв бисувал камил хъпан бадали фицдар шартIар а?

Ушв тамам хъпан бадали, исихъ улупнайи шартIар тамам дапIну ккунду:

1. Ният. Пайгъамбарин ﷺ гъядисдиъ дупна: «Амалар, ляхнар ниятланан асилу ву...». («Сагъигъ аль-Бухари», № 1; «Сагъигъ Муслим», № 1907

2. ГъачIининдин гъудгнин вахтнахъанмина лавландин гъудгнин вахтнакъан ушв батил апIрубдихъан варибдихъан ярхла хъуб.

4. Рамазандин вазли фицдар жюре инсанар ушв бисбахъан азад шулу?

Ушв дибрисуз ихтияр тувбаз шубуб дюшюш а:

1. Ушв гъибсиган гъати, читни шулу уьзур, иццрушин ади вуш. Эгер ушв гъибсиган думу касдин уьзриан, иццрушнаан уьмур лап читин гъялнаъ дебккруш, яни уьмур къатI хъуз мумкин вуш, дугъу ушв дишлади гъибтну ккунду.

2. Ярхи рякъ. Дидин манзил гъисаб апIуру 83 км-тIан артухъ. ДумутIанна гъайри, дугъан сафар гъялал вуйиб дубхъну ккунду ва йигъандин ахиризкъан давам шлуб. Хулаъ ушв гъибсиган, ва хъасин йигъандин вахтна рякъюъ учIуризу ушв гъибтуз хай шулдар. Знихъ дупнайибдиз далил вуди гирами аят хибдихъа: «<...> фуж аьзарлуди, ясана рякъюъ ади вуш, гъит жара вахтна къаза апIри...» (сура «аль-Бакъара», 185-пи аят).

3. Ушв бисуз даршлувал. Шлихъан чан аьхю яшар хъувалиан, ясана читни уьзриан ушв бисуз шулдарш, мисалназ, фунин язва, дицдариз ушв дибрисуз ихтияр а. Ушв бисуб фарз ву ушв бисуз жандин сагъвал айидариз.

5. БицIир кайи, ясана никкдихъ хъайи велед айи дишагълийиз ушв бисуб фарз вуйин?

Эгер ушв бисувалиан бицIир кайи хпириз чаз, ясана фуник кайи веледиз, вая никкдихъ хъайи веледиз бабу ушв бисбаан никк гъудрубкIди, гъаддиан зарар аш, дишагълийиз ушв дибрисуз ихтияр а. Амма, эгер бицIир кайири, ясана никкдихъ бицIир хъайири фуник кайири, ясана никкдихъ

хъайири зарар хъибди кIури, ушв гъибсиган дарш, дугъу ушв къаза апIбахъна гъарсаб ккудубшу ушвахъан 650 грамм мудд журумди тувну ккунду.

6. Ккудубшу ушвар фици къаза апIуру?

Фуну касди уццрушнаан Рамазандин вазликан сабкъана ушв ккадапIнуш, хъа гъюру Рамазандин ваз улубкъайиз къаза дапIну ккунду. Хъа эгер къаза дарапIиш, дугъу ушв къаза апIбахъна журумра тувну ккунду. Гъюру Рамазандин ваз улубкъайиз къаза дарапIу гъарсаб ушвахъан саб мудд журум тувру. Мисалназ, эгер дугъу иццрушнаан ушв ккадапIнуш ва хъа Рамазандиз сагъ гъахънушра дугъу къаза гъапIундарш, думу дюшюшдиъ журумра тувну ккунду.

Хъа эгер думу сагъ гъахъундарш, яни иццрушнаан къаза апIуз мумкинвал гъабхъундарш, дугъу журум тувну ккундар. Эгер саб себебра адарди ушвар къаза дарапIди хъайисариз гъибттри гъабхъиш, гъарийсан саб мудд артухъ шулу. Мисалназ, эгер 5 йис улихъна ушв ккадапIнуш ва чан вахтна къаза гъапIундарш, гъарсаб ушвахъан 1 мудднан ерина 5 мудд тувну ккунду. Уву ушвар къаза гъапIубси, муддар артухъ хъивал ккудубкIуру.

Эгер уьзриан ушвар къаза апIуз дархъиди кечмиш гъахъиш, дицирихъан ушв бисуз, ясана дугъу гъибту ирснакан журум тувбаъ многъажвал адар. Хъа эгер сар кас чаз ушвар къаза апIуз мумкинвалра ади, амма къаза дарапIди кечмиш гъахънуш, дугъан багахълуйириз



дугъан ушвар къаза апIуб ужу ву. Кечмиш гъахъири ушвар къаза апIуз дугъан багахълу дарурихъанра шулу, амма дугъу багахълуйирикан сарихъанкъан ихтияр гъадабгъну ккунду. Хъа эгер я багахълуйири, ясана дурарихъан ихтияр гъадабгъну жара ксари дугъан ушвар къаза дарапIиш, гъарсаб ккудубчIву ушвахъан мудд тувну ккунду. Ва думу муддар гъадму кечмиш гъахъири гъибту ирснакан тувру. Уьмар асгъабдихъан вуйи Пайгъамбарин ﷺ гъядисдиъ дупна: «Эгер фужкIа чак фарз ушв кади кечмиш гъахъиш, гъит дугъу гъибту ирснакан гъарсаб ушвахъан сар мискин тухъ апIри» («Сунан ат-Тирмизи», №817).

Далил вуди Ибн Аьббасдихъан вуйи сабсана гъядис кIваин апIидихъа: «Фуну кас Рамазандин вазли, аьзарлу духъну, ушвар къаза дарапIди кечмиш гъахъиш, дицирин гъарсаб ушвахъан сар мискин тухъ апIуру» («Сунан Абу Давуд», № 2401).

Гъит Аллагъу Тааьлайи ухъуз аьгъдруб аьгъю апIуз ва аьгъю гъапIубдихъди гъягъюз кюмек туври, гъит Аллагъу Тааьлайи ухъуз варидариз гъаму гирами вазли шлубкъан артухъ ужудар ляхнар апIуз, гунагънан ляхнарихъан ярхла хъуз тавфикъ туври! Амин!

Гъярам тамшйир...

АБЛИМДИН ЖАВАБ

Суал: Исихъ улупнайи тамшйир уйнамиш апIуб гъярам вуйин: домино, шахматар, нардар ва картар?

Жаваб: Диндин алимарин, шахматар саб фу вуш бадали (на ставку) уйнамиш апIуб гъярам ву, кIуру гафнаъ сабвал а, яни варидари гъярам апIура, гъаз гъапиш дици уйнамиш апIуруш, думу азарт тамшйирикан шулу. Аллагъу Тааьлайи гирами Къур'андиъ дупна: «Эй Аллагъдихъ ﷻ хъугъдар! Дугъриданна, арагъ, азарт тамшйир «...» иблсдин чIуру ляхнарикан ву. Ярхла йихъай дурарихъан ...» (сура «аль-Маида», 90-пи аят).

Гъацара думу гъярам шулу, эгер уву думу тамши апIури фарзар ккадаруш, дидкан зарар аш, кучIал апIуруш ва гъаци жара гъярам ляхнар арайиз гъюруш. Хъа эгер гъаму ухъу ктухдарикан

фукIара адарш, ари думу дюшюшдиъ алимарин фикрар жара гъахъну. Малики, Гъянбали ва саспи Шафии мазгъадин алимари шахматар уйнамиш апIуб гъярам дапIна.

Хъа Гъянифи ва Шафии мазгъабарин алимари карагъат ву дупна. Пайгъамбарин ﷺ гъапну: «Фунуб вушра ляхин, эгер душваъ Аллагъу ﷻ кIваин апIувал адарш, думу мянфяатсуз ляхнийн машгъул хъувал ва гъалатI ву, 4 ляхин ктарди: Чимриан йивуз дубгъуб, гъяйвнийн элеъну хъапIуб, жвуван хизандихъди тамшйир апIуб ва сирнав апIуб» (аль-Байгъакъи).

Хъа Шафии мазгъабдин саспи жара алимарин фикриинди, шахматар уйнамиш апIуб мубягъ, яни хай шулу ляхин ву, гъаз гъапиш думу фикир ужуи апIуз себеб шулу ва фикрар марщ апIуру.

Эгер нардар хъаьбакан кIуруш, аьхюну пай алимари думу гъярам ву дупна. Пайгъамбарин ﷺ гъядисдиъ дупна: «Нардар хъаьрур слин йиккнак ва ифдик куркъну чан хил чиркин гъапIурик мисал ву» (имам Муслим).

Абу Муса аль-Ашаьрийихъан вуйи Пайгъамбарин ﷺ гъядисдиъ дупна: «Шли нардар хъаьруш, думу Аллагъу Тааьлайиз ва Дугъан Пайгъамбариз ﷻ аьссивал гъапIур ву» (Абу Давуд).

Ари гъамциб гъюкму ву имбу гъамцдар тамшйиризра.

Натижа:

Саб кIуруб, эгер шахматар, саб фу вуш дивну, гъадму бадали апIурайидар вуш, думу гъярам ву. Хъа эгер дициб шартI адарш, саспидари гъярам ву, саспидарисана карагъат ву, хъа тмундари хай шулу дупна. Алимарин арайиъ мидин



гъякънаа сабвал адруган, мусурман касди гъадририкан варитIанна мянфяаьтлунуб кадабгъну ккунду. Къюб кIуруб, нардар хъауб гъярам ву, думу аьхю гунгъарикан сабунуб ву. Шубуб кIуруб, адлу алимари гъапиганси, фикирна зегъмет харж дарапIид саб дюшюшдиан ягъурлу хъуз мумкин вуйиб вари гъярам ву.

Дагестанский гуманитарный институт объявляет набор на 2015—2016 учебный год по следующим направлениям:

48.03.01 «Теология»

Квалификация: бакалавр теологии
Профиль: культура Ислама
Срок обучения: очно – 4 года, заочно – 5 лет.
Перечень вступительных испытаний: история, русский язык, обществознание.
Перспективы выпускника: работа в образовательных учреждениях различного уровня, научно-исследовательских и госучреждениях, органах безопасности, религиозных организациях, структурах по паломничеству и др.

48.04.01 «Теология»

Квалификация: магистр теологии
Профиль: исламская теология
Форма и срок обучения: 2 года (принимаются лица с высшим гуманитарным образованием)
Перечень вступительных испытаний: теология
Перспективы выпускника: работа в образовательных учреждениях различного уровня, научно-исследовательских и госучреждениях, органах безопасности, религиозных организациях, структурах по паломничеству и др.

45.03.02 «Лингвистика»

Квалификация: бакалавр лингвистики
Профиль: теория и методика преподавания иностранных языков (арабский, английский)
Форма и срок обучения: очно – 4 года.

Перечень вступительных испытаний: иностранный язык, русский язык, обществознание.

Перспективы выпускника: работа в образовательных учреждениях различного уровня, научно-исследовательских и госучреждениях, международных

Перечень вступительных испытаний: русский язык, математика, обществознание.

Перспективы выпускника: работа в учетно-аналитической, аудиторской, административно-управленческой, внешнеэкономической сферах и др.

38.03.05 «Бизнес-информатика»

Квалификация: бакалавр бизнес-информатики
Профиль: электронный бизнес
Срок обучения: очно – 4 года
Перечень вступительных испытаний: русский язык, математика, обществознание.
Перспективы выпускника: работа в сфере бизнеса и финансов с применением инфокоммуникационных технологий, маркетинга, логистики, исследовательских учреждениях по бизнесу и информатике.

50.03.01 «Искусства и гуманитарные науки»

Квалификация: бакалавр искусств и гуманитарных наук
Профиль: международные отношения, политические науки и права человека
Срок обучения: очно – 4 года, заочно – 5 лет.
Перечень вступительных испытаний: русский язык, история, творческий конкурс.
Перспективы выпускника: работа в области международных отношений, политических наук и прав человека, межкультурных коммуникаций и бизнеса.

МЫ ПРИНИМАЕМ:

лиц, имеющих: высшее образование; среднее профессиональное образование; окончивших образовательное учреждение



организациях в качестве переводчиков и др.

42.03.02 «Журналистика»

Квалификация: бакалавр журналистики
Профиль: журналистика
Форма и срок обучения: очно – 4 года, заочно – 5 лет.

Перечень вступительных испытаний: литература, русский язык, обществознание.

Перспективы выпускника: работа в средствах массовой информации – газетах, журналах, на телевидении и радио, в исламских СМИ и др.

38.03.01 «Экономика»

Квалификация: бакалавр экономики
Профиль: бухгалтерский учет, анализ и аудит.
Срок обучения: очно – 4 года, заочно – 5 лет.

до 2009 г., – на основании вступительных испытаний, проводимых вузом. Все остальные категории граждан – на основании результатов ЕГЭ.

НЕОБХОДИМЫЕ ДОКУМЕНТЫ:

1. документ об образовании или его нотариально заверенная копия,
2. свидетельство ЕГЭ,
3. паспорт,
4. цветное фото (3x4) – 8 штук.

Прием документов: с 10 июня по 29 августа.

АДРЕС ПРИЁМНОЙ КОМИССИИ:

г. Махачкала, ул. Дахадаева, 136 (рядом с Центральной джума-мечетью).

Тел. 94-00-60, 8 964 009 00 47
<http://daggum.ru>

ПРОФЕССИОНАЛЬНОЕ ОБРАЗОВАТЕЛЬНОЕ УЧРЕЖДЕНИЕ «ГУМАНИТАРНО-ПЕДАГОГИЧЕСКИЙ КОЛЛЕДЖ»



Знание без нравственной основы – ничего не значит.

Л. Н. Толстой

Уважаемые абитуриенты!

Гуманитарно-педагогический колледж объявляет набор на 2015-2016 учебный год. ПОУ «Гуманитарно-педагогический колледж» осуществляет подготовку специалистов со средним профессиональным образованием для общеобразовательных школ, предприятий, организаций и учреждений.

Особенности колледжа

- раздельное обучение юношей и девушек;
- преподавание основ и культуры религии;
- высокий уровень воспитательной работы;
- адаптация программ к уровню знаний студентов;
- исключение коррупции, объективная оценка знаний.

Специальности
Преподавание в начальных классах

Квалификация выпускника: Учитель начальных классов. Срок обучения по очной форме: на базе 9 кл. – 3 г. 10 мес., 11 кл. – 2 г. 10 мес., по заочной форме: 11 кл. – 2 г. 10 мес.

Экономика и бухгалтерский учет

Квалификация выпускника: Бухгалтер. Срок обучения по очной форме: на базе 9 кл. – 2 г. 10 мес., 11 кл. – 1 г. 10 мес.

Дизайн (по отраслям)

Квалификация выпускника: Дизайнер. Срок обучения по очной форме: на базе 9 кл. – 3 г. 10 мес., 11 кл. – 2 г. 10 мес.

Социальная работа

Квалификация выпускника: Специалист по социальной работе. Срок обучения по очной форме: на базе 9 кл. – 3 г. 10 мес., 11 кл. – 2 г. 10 мес.

Документы и сроки приема

- документ об образовании или его копия, заверенная нотариусом;
- копия паспорта (свидетельство о рождении);
- 8 фотографий размером 3x4;
- медицинская справка формы 086у.

Прием документов

На очное отделение – с 10 июня по 20 июля.
На заочное отделение – с 10 июня по 30 сентября.

Адрес приемной комиссии:

РД, г. Махачкала, ул. А. Султана, 10-й км; ул. Дахадаева, 136.

Контакты:

Тел: 51-88-33, 8-988-784-51-56

gpkdag@mail.ru
www.gpkdag.pf
www.gpkdag.com

Лицензия 05Л01 № 0000748 рег. № 6453 от 22.08.2012 г.
Свидетельство о гос. аккредитации № 000350 № 4708 от 08.07.2010 г. до 08.07.2015 г.

Хизандихъди ушв гьибтрайири кIуру

أَفْطَرَ عِنْدَكُمْ الصَّائِمُونَ ، وَأَكَلَ طَعَامَكُمْ الْإِبْرَارُ ، وَصَلَّتْ عَلَيْكُمْ الْمَلَائِكَةُ

«АфтIара индакуму ссаимуна ва акала тIааьмакумуль абрару ва саллат аьлайкумуль малаикату».

Мяна: «Гьит учвухъ ушвар гьитри ушвар дидиснайидари ва гьит ичв итIрубдикан итIри ужудар ксари, ва гьит учв'ина салат убхри малаикари».

– Мусурман дару касдиз процентар алди пул тувуз ихтияр айин?

– Процентар алди пул тувуб гъарам ву. Фаркъвал адар, уву шлиз туврашра - мусурмандиз, дарш-сана мусурман даруриз («Бутг'ятуль Мустаршидин»).

– Риш палтарикан духънайи вахтна, дугъан никягъ дивиш, гъадму никягъ гъякълуб шулин?

– Палтарикан духънайи вахтна диву никягъ гъякълуб ву. Амма палтарикан духънайи вахтна жилиризна хпириз сатли хъуз хай шулдар («Тугъфатуль мугътаж»).

– Дишагълийириз ягълухъ алдарди гъудгнин жиклуз ихтияр гъаз тувна? Дици вуш, жара жилар хътарш, гъудганра ягълухъ алдарди апІуз шулуки?!

– Гъудгнин жикІруган аврат ккебкуб дидин шартІарикан дар, яни гъудгнин жикІруган ягълухъ алдаршра кам шулу. Хъа гъудгнин гъякънаан кІуруш, аврат ккебкуб гъудгнин шартІарикан ву, гъаци вуйиган аврат ккедребкди гъапІу гъудган кам шулдар.

– Уъл ипІалан къяляхъ, зубочисткайихъди силбаригъ йишв марцц дапІну, гъудган апІуз хай шулин?

– Хай шулу. Му дюшюшдиъ фикир тувну ккундуки, силбаригъ, ясана ушвниъ ипІрубдин тикйир имиди ккундар. Гъаз гъапиш дурар гъудган апІурайи вахтна хътІюкъиш, гъудган батІил шулу. Гъаци вуйиган, уъл ипІалан къяляхъ, гъудгник кучІвайиз, ушварихъан шид хъжабгъуб ужу ву.

– Гъудгник сура «аль-Фатигъя» урхруган, мяна дигиш даршлу гъалатІ деебтну кІури, гъудган батІил шулдар, кІури гъеебхъунзуз. Му гафар гъякълудар вуйин?

– Адлу аьлим Саййид Мугъяммад Абдулла аль Журданийи «Фатгъюль Аьллам» китабдиъ дупна: «Сура «аль-Фатигъяйиъ» мяна дигиш дарапІру гъалатІ деебтиш, диди гъудган кам хъувализ манигъвал апІурдар. Амма жвувазра аьгъяди дицдар гъалатІар дееуб гъарам ву» (лиг «Фатгъюль Аьллам», 2-пи том, 562-пи маш).



– Пайгъамбарин ﷺ, чан абйир-бавар кечмиш шлуган, швнуд йис вуйи? Дугъаз швнур велед ади гъахъну?

– Пайгъамбар ﷺ чан дадаин фуник кимиди, дугъан адаш кечмиш гъахъну, хъа дадасана кІуруш, Пайгъамбар ﷺ 6 йисаъ ади кечмиш гъахъну («Фикгъу сирати ан-Набавияти, 70-пи маш). Гъамци Пайгъамбар ﷺ йитим гъахъну. Дугъан адашиз Абдуллагъ, хъа дадаииз Аминат кІуйи.

Пайгъамбариз ﷺ 7 велед гъахъну, 4 риш: Рукъят, Умму Кульсум, Зайнаб, ФатІима; ва 3 бай: Къасим, Ибрагъим, Абдуллагъ.

– Жямяагъ-гъудган апІруган каспи вахтари гизаф инсанар ади хъпан мухур къиблайихъан саџиб гъибицури шулу, хъа маш къиблайихъинди гъибтурза. Узу апІурайиб дюз шулин ва йиз гъудган гъякълуб хъибдин?

– Гъудган апІру вахтна анжах маш ваъ, хъа жвуван мухурра къиблайихъинди илбицну дубхъну ккунду. Эгер уву маш къиблайихъинди илбицну, хъа мухур къиблайихъан гъибицну гъабхъиш, гъудган кам шулдар (лиг «Шаргъюль мафруз», 252-пи маш).

– Аллагъу Тааълайи йишвандин шубубпи пайнаъ гъапІу дюаъ къабул апІуру, кІури шулу. Думу вахт фила улубкъура, саягъ швнубди?

– Йишвандин шубубпи пай гъачІиндин гъудгниз улихъна шулайиб ву. Ухъуз аьгъюганси, йигъар-йишвар йисандин фасларилан асиллу ву, гъаци вуйиган думу вахт фулану саягъна улубкъуру пуз шулдар. Лавландин гъудгнихъан гъачІиндин гъудгниз вуйи вахт шубуб йишваз пай апІурва ва ари гъадму шубубпи пай хъибди уву суалнаъ гъерхрайиб.

– Мусурман даруриз Шариаьтдинди дарди гъубкку гъяйванатдин йикк тувуз хай шулин?

– Ваъ, дици апІуз хай шулдар («Фатава ибн Зияд»).

– Фуник велед кайи вахтна кушар рангламиш апІуз ихтияр айин?

– Ав, думу ляхин гъадагъа дапІнадар.

ДАГЕСТАНСКИЙ ИСЛАМСКИЙ УНИВЕРСИТЕТ ИМЕНИ ШЕЙХА МУХАММАД-АРИФА

ОБЪЯВЛЯЕТ ПРИЕМ АБИТУРИЕНТОВ НА ОЧЕРЕДНОЙ УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

ПРОДОЛЖИТЕЛЬНОСТЬ ОБУЧЕНИЯ:

- ✓ в медресе – 3 года.
- ✓ в университете – 5 лет.

ДОКУМЕНТЫ НЕОБХОДИМЫЕ ДЛЯ ПОСТУПЛЕНИЯ:

- ✓ нотариальная копия аттестата или диплома;
- ✓ копия паспорта – 2 шт.;
- ✓ фотокарточки размером 3x4 в количестве пяти штук;
- ✓ медицинская справка Ф 086;
- ✓ копия прививочного сертификата Ф 156/93-у;
- ✓ рекомендация от преподавателя религиозного обучения либо от руководителя мечети (имамы) расположенной по месту жительства абитуриента.

ПРИЁМ ДОКУМЕНТОВ С 1 ИЮНЯ

г. Махачкала, ул. Дахадаева, 136
тел.: 8 (8722) 67 55 08; 8 988 294 56 16

Наш адрес:

– Васвас фу ву ва фици дидхъан урхъюру?

– Васвас думу шейтІни ухъу ирчрайи фикрар ву, яни шейтІнихъан вуйи шаквал ву. Хъа дидхъан урхъбан бадали, ухъу гъаму гафариинди Аллагъу Тааълайихъна илтІикІну ккунду: «Ауъзубиллагъи мина шшайтІани рражим» ва «Ан-Нас» сура урхуру («Мингъаж»).

Рузнама

Июль

Йигъ	Гъиринд. Ас-Субгъ.	Ригъ гъудуб.	Лисундин Аз-зугър	Гъаркван. Аль-аьср	Лавлан. Аль-Магъриб	ХъитІрхв. Аль-гІишаъ
1	01:55	04:12	11:55	16:00	19:34	21:04
2	01:56	04:13	11:56	16:00	19:34	21:04
4	01:58	04:14	11:56	16:00	19:34	21:04
6	02:00	04:15	11:56	16:01	19:33	21:03
8	02:03	04:16	11:57	16:01	19:32	21:02
10	02:05	04:18	11:57	16:01	19:32	21:02
12	02:08	04:19	11:57	16:01	19:30	21:00
14	02:11	04:21	11:57	16:00	19:29	20:59
16	02:13	04:23	11:58	16:00	19:28	20:58
18	02:17	04:24	11:58	16:00	19:27	20:57
20	02:20	04:26	11:58	16:00	19:25	20:55
22	02:23	04:28	11:58	15:59	19:23	20:53
24	02:26	04:30	11:58	15:59	19:21	20:51
26	02:30	04:32	11:58	15:58	19:20	20:50
28	02:33	04:34	11:58	15:58	19:17	20:47
30	02:36	04:36	11:58	15:57	19:15	20:45

Рекомендовано каноническим отделом ДУМД для г. Махачкалы

Гъюрматлу мусурман гъардшар ва чйир!
Нагагъ учвуз ихъ мусурман диндихъди аьлакъалу вуйи месэлийрикан гъаври адруб гъерхуз ккундуш, ясана «Ассалам» редакцияйиз вуйи суал аш, зенг апІинай: 8-960-411-19-53
Учхъан шлубдин, иншаАллагъ, учу кюмек апІидича ва ичв гъулуугъар тамам апІуз чалишмиш хъидича.